

# Kalaallit Nunaanni Iltersuisarnej pillugu siunnersuisoqatigiit suliassaat suleriaasiallu pillugu Namminersorlutik Oqartussat nalunaarutaat

Kalaallit Nunaanni ilinniartitaanermut inuussutissarsiutinillu siunnersuisarnej pillugu Namminersorlutik Oqartussat inatsisaanni nr. 4-mi, 29. november 2013-meersumi 7, imm. 6 naapertorlugu aalajangersarneqarput:

## *Kalaallit Nunaanni Iltersuisarnej pillugu siunnersuisoqatigiit suliassaat*

§ 1. Kalaallit Nunaanni Iltersuisarnej pillugu siunnersuisoqatigiit suliassani Naalakkersuisunit saqqummiunneqartuni inassuteqartassapput.

Imm. 2. Siunnersuisoqatigiit namminneq piumassutsiminnik suliani naapertuuttut isigisaminni suliqaarsinnaallutillu inassuteqaarsinnaapput.

Imm. 3. Apeqqutit nutaat saqqummersut pillugit misissueqqissaarnerit uppersaasarsuinerillu ingerlanneqarnissaannik pisariaqartitsinerit siunnersuisoqatigiit inassuteqarnerminni tikkuarsinnaavaat, sumiiffinni ataasiakkaani nunallu immikkoortuini pisariaqartitsinerit ilanngullugit taamatullu ajornartorsiutit aalajangersimasut pinngitsoornissaannut siunnersuuteqaarsinnaallutik.

Imm. 4. Siunnersuisoqatigiit iltersuinerup pitsaassusaa aamma iltersorneqartup imminut pilersornissaanut suliameqarullu ineriartornissaanut naleqqiullugu qanoq naapertuutsiginera pillugit inassuteqaateqartassapput.

§ 2. Kalaallit Nunaanni Iltersuisarnej pillugu siunnersuisoqatigiit sulinerminni makku isumagissavaat:

- 1) Iltersuisarnermut tunngasut ataqatigiissarnissaasa qularnaarneqarnissaannut peqataaneq, iltersuinikkut suliniutinut assigiinngitsut ilanngullugit.
- 2) Suliffeqarfinnut naleqqiullugu ilinniartitaanerullu iluani piffissami sivikinnerusumi ungasinnerusumilu iltersuisarnikkut pisariaqartitat matussuserneqarnissaannut peqataanissaq.
- 3) Iltersuisarnikkut suliniutit ineriartornerannik malinnaaneq tamannalu pillugu oqaaseqaateqartarnej, iltersuisarnerup aqqissugaanera suliniutillu naapertuuttut aallartinneqartarnerat ilanngullugit.
- 4) Iltersuisarnermut tunngasutigit susasaqartut naapertuuttut oqaloqatigiittarnissaasa qularnaarnissaat, iltersuisarnerup ilusilersorneranut aamma pisariaqartitanut paasineqartunut naleqqiullugu iltersuisarnikkut suliniutit ataqatigiissarneqarnissaannut tunngatillugu.

*Kalaallit Nunaanni Iltersuisarnej pillugu siunnersuisoqatigiit ataatsimiittarneri il.il.*

**§ 3.** Kalaallit Nunaanni Ilitsersuisarneq pillugu Siunnersuisoqatigiit minnerpaamik ukiumut marloriarlutik nalinginnaasumik ataatsimiittassapput.

*Imm. 2.* Siunnersuisoqatigiit siulittaasuata ataatsimiigiaqqusissutit, ataatsimiiffissat piffissallu aalajangertarpai nakkutigalugulu siunnersuisoqatigiit suliassaasa naammattumik pilertortumillu siuarsarnissaat.

*Imm. 3.* Oqaluuserisassatut siunnersuutit siunnersuisoqatigiillu suliarinninnissaannut paasissutissat allaganngukkat pisariaqartinneqartut siunnersuisoqatigiit siulittaasuannut allattoqarfimmullu nassiunneqassapput kingusinnerpaamik ataatsimiinnissaq sap.ak. pingasunik sioqqullugu. Siunnersuisoqatigiit siulittaasua immikkut pissutissaqartillugu piffissaliussamut tunngatillugu immikkut akuersissuteqarsinnaavoq.

*Imm. 4.* Siunnersuisoqatigiit siulittaasuata ataatsimiigiaqqusisusaaq, ataatsimiinnermilu atortussat ataatsimiinneq sapaatip akunnerinik marlunnik sioqqullugu nassiuttassallugit.

*Imm. 5.* Siunnersuisoqatigiit immikkut ittumik ataatsimiittassapput, tamanna siunnersuisoqatigiit siulittaasuata pissutissaqartippagu, imaluunniit siunnersuisoqatigiit ilaasortaasa amerlanerussuteqartut tamanna piumasarippassuk. Immikkut ittumik ataatsimiigiaqqusineq tamatumanilu atortussanik nassiussineq sivikinnerusumik piffissaliilluni pisinnaavoq, pissutsit tamanna pisariaqalersippassuk.

**§ 4.** Siunnersuisoqatigiit siulittaasuata siunnersuisoqatigiinni sulineq aqqissuutissavaa, siunnersuisoqatigiillu ataatsimiinnerini isumaqatigiinniarnert aqutarissallugit.

*Imm. 2.* Siunnersuisoqatigiit oqaluuserisassanik aalajangersimasunik ima imaqaqtussanik aalajangersaassapput:

- 1) Oqaluuserisassat akuerineqarnerat.
- 2) Kingullermik ataatsimiinnermit imaqarniliamik malitseqartitsineq.
- 3) Siunnersuisarfimmit ilisimatitsissutit.
- 4) Siunnersuisoqatigiinnut ilaasortanit ilisimatitsissutit.
- 5) Suliassatut siunnersuutigineqartut.
- 6) Siunnersuisarfimmit siunnersuisoqatigiinnulluunniit ilaasortanit sammisassaq attuumassuteqartoq.
- 7) Siunnersuisoqatigiinni avataaniilluunniit ilisimatitsissutit katersuinerlu.
- 8) Tulliani ataatsimiinnissamik aalajangersaaneq.
- 9) Tamalaat.

**§ 5.** Siunnersuisoqatigiit aalajangiisinnaatitaapput ilaasortat affaat sinnerlugit najuuppata, taamaattorli takuuk imm. 2.

*Imm. 2.* Aalajangernerni amerlanerussuteqarneq atorneqassaaq. Taasisut nalogiippata siulittaasup taasinera aalajangiisuusaaq.

*Imm. 3.* Suliani kinguartinneqarsinnaanngitsuni siulittaasooq siunnersuisoqatigiit sinnerlugit aalajangiisinnaavoq ilaasortat sinnerisa ataatsimiigiaqquneqarnissaat ajornarpat.

*Imm. 4.* Siulittaasup imm. 3 naapertorlugu aalajangiinera pillugu siunnersuisoqatigiit piaarnerpaamik ilisimatinneqassapput.

**§ 6.** Siunnersuisoqatigiit aalajangersimappassuk, ilaasortaq suliamut attuumassuteqarpallaarnini pissutigalugu suliap suliarineranut peqataasinnaanngitsoq, suliaq ilaasortat sinnerinit suliarineqassaaq.

**§ 7.** Siunnersuisoqatigiit siulittaasuata isumagissavaa, siunnersuisoqatigiit isumaqatigiinniarnersa aalajangernerisalu imaqarniliarineqarnissaat.

*Imm. 2.* Ilaasortaq aalajangiinnermut isumaqataanngitsoq, isummami imaqarniliamut ilanngunneqarnissaanut pisinnaatitaavoq. Ilaasortaq aalajangiinnermut isumaqataanngippat tamanna aalajangiinnermi ersissaaq.

*Imm. 3.* Allattoqarfik siulittaasumut saqqummiussereernikkut imaqarniliassatut missingiummik ilaasortanut akuerisassanngorlugu nassiussissaaq.

*Imm. 4.* Imaqarniliaq akuerineqartutut isigineqassaaq nassiunneqartup tiguerneranit sap.ak. marluk qaangiutsinnagit akerliussummik tigusaqartoqanngippat.

*Imm. 5.* Imaqarniliamut akerliussuteqartoqarpat ataatsimiinnerup kingorna kingusinnerpaamik qaammat ataaseq qaangiuppat taakku suliarineqassapput.

**§ 8.** Siunnersuisoqatigiit ataatsimiinneranni aalajangiinnerit imaqarniliallu akuerisat Ilitersuisarneq pillugu siunnersuisoqatigiit internetikkut nittartagaanni tamanut saqqummiunneqassapput.

*Imm. 2.* Ataatsimiinnermit imaqarniliap tamakkiisumik ilaannakortumilluunniit tamanut saqqummiunneqannginnissaa siunnersuisoqatigiit aalajangersinnaavaat.

**§ 9.** Ilinniartitaanermut naalackersuisoqarfik imaluunniit naalackersuisoqarfiup piginnaatitaa Kalaallit Nunaanni Ilitersuisarneq pillugu siunnersuisoqatigiinnik allattoqartitsissaaq.

*Imm. 2.* Allattoqarfik siunnersuisoqatigiit ataatsimiinnissaasa piareersarnerinut ataatsimiinnerillu ingerlannerinut peqataassaaq, suliassanik piareersaalluni siunnersuisoqatigiillu nalunaarummi matumani suliassatut aalajangersarneqartut pillugit aalajangiinnerinik malitseqartitsilluni.

*Imm. 3.* Suliassanut imm. 2-mi taaneqartunut atatillugu allattoqarfiup ullormi oqaluuserisassat nassiussutissavai, taakku pillugit allattoqarfiup allattugai ilanngullugit.

**§ 10.** Siunnersuisoqatigiit ilaasortaat, allattoqarfik ikiortitullu isigineqartut suliassat suliarineqartarnerannik inatsisip § 27-ia aammalu pinerluttuliorneq pillugu inatsisip § 50, imm. 1. aamma 3 aamma §§ 52-54 naapertorlugit nipangiussisimasussaataapput.

**§ 11.** Kalaallit Nunaanni Ilitersuisarneq pillugu siunnersuisoqatigiit kingusinnerpaamik 1. april ukiup siuliani suliatik pillugit Ilinniartitaanermut Naalackersuisoqarfimmut ukiumoortumik nalunaarusiortassapput. Nalunaarusiap imarissavai siunnersuisoqatigiit ukiup siuliani suliaasa allattorneqarnerat.

*Atuutilernera*

**§ 12.** Nalunaarut manna atuutilerpoq ulloq 1. maj 2015.

*Namminersorlutik Oqartussat, ulloq 9. marts 2015*

Nivi Olsen

/

Mikael Kristensen

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut